

Zeng-raad a Naasā Nas-raado

Bāng-kasenga a Mohammad [bn Abdul Wahaab gafo, - Wēnd na yols-a

D na n singa d koesā ne Wēnd Yuurā Albarka, sēn yaa Dūni yols zāng naabā, n leb n yaa Sid-kōatbā welg n yolsg naabā.

M kota Wēnde sēn yaa kūun Naabā, n yaa na-zaoor kēengā naabā t'A sak f lallgo āndūni la laahre.

la A maan-f ti f yi bark soaba f sēn wa n beē fāa, la a maan-f ti f yi ned ninga ti b sā n kō-a a puusda barka, b sā n leb n maan-a zarb-n-gesga a maanda sugri, a sā n leb n beege a kota yaafa.

Ti bala bāmba b tāabā la zu-noog yu-vēenega.

Bānge Wēnd na peeg-f n kēng A tūudmē wā.

ti lak-n-bas lagm-n-taarā la a Nabi [braahum Dīnā.

Yaa f tū Wēnd a Yēmbre, n yulg f dīnā ne-A wala A sēn yeele, A Naam zēk yā:

(Mam ka naan zīn-dāmbā la nīnsaalbā rēnda Mam tūudem yīnga) Azzaanyaat:

56].

Rēnd fo sā n bāng ti Wēnd naana foo A tūudumā yīnga, bi f bāng ti tūudumā ka boond ti tūudum rēnd a naag ne Wēn-yembgo, wala puusg sēn ka boond ti puusg t'a sā n ka tū ne yulgrā.

rēnd mag-yiib sā kē tūudumē a sāamdame, yaa wala rēgdo, a sā n kē yulgrē, rēnd f sā n bāng ti mag-yiibā sā gēdg tūudum a sāamd-a lame, la a lub tuumdā, t'a soabā lebg neb nins sēn na n duum-b bugmē wā.

fo bāngdame ti būmb ning sēn loe zug yaa wānde bāngre, sān-sānde Wēnd na fāag-f n yi yuk-kānga pugē, la yē la mag-yiib ne Wēnd ning Wēnd sēn yeela a pugē:

(Ad Wēnd ka yaafde ti b sā maan māg-yiib ne-A ye, la A yaafda zēng sēn ka rēnda ne A sēn data a soab) Annisaa:

116].

la Rēnda yaa f sēn na n bāng zēng-raad a naase Wēnd sēn togs-ba A Gafā pugē wā.

Rāenēm Zeng-raoogā

ya f bāng ti kīfr-dāmb nins Wēnd tuntuum -puusg la tūgr be a yīng- sēn zab ne-bā b reega b zugē ti Wēnde A naam zēk yā, Yē la naanda, n ya rabsda, la rēnda ka kēes-b Lislaoongā pugē ye, la a daliil la Wēnd sēn yeele:

(Yeele ān n rīlged yāmb sēn yit saasē wā la tēngā la ān n so wumbā la ninā, la ān n yiisd vit kūum pugē, la a yiisd kung vit pugē, la ān n rabsd yellā, bāng ti b na n yeelame ti yaa Wēnde; bi f yeele, y ka na n zoe Wēnde?).

[Yuuuus:

31]

Zeng-raoog a yiibē soabā

Ti b yetame:

Tōnd ka kos-ba la d togl-ba rēnda pēnegr la sugsg baooob yīnga, la pēnegrā daliil yaa Wēnd sēn yeele:

La neb nins sēn rīk zēng sēn ka Wēnd n maan b laldba n yetē ti tōnd ka tūud-ba rēnda b na pēneg tōnd ne Wēnde pēem-pēem, Wēnd na n bu bāmb ne taab suka b sēn da yōsd taab būmb ning zugā, Wēnd ka kāndegd ned ning sēn yaa zīrī soab n yaa sōm-zit ye.

La sugsgā daliil yaa Wēnd sēn yeele:

{la b tūuda zēng sēn ka Wēnde sēn ka namsd-ba la pa nafd-ba, la b yetē ti bāmba la tōnd sugsgdb Wēnd nengē}.

Azzumar:

3]

[Yūnus:18]

la Sugsgā yaa sugsg a yiibu:

Sugsg sēn ka tabende, la sugsg sēn tabende.

Sugsg ning sēn ka tabendā:

yaa b sēn baood zēng sēn ka Wēnd nengē būmb ning b sēn ka tōe ti sā n pa Wēnde, la a daliilā yaa Wēnd sēn yeele:

{Yaa yāmb neb nins sēn kō sid ne Wēnde, yāk-y būmb ning Tōnd sēn kō yāmbā n kō, taor ti daar ning koosm la zood la sugsg sēn ka a pugē wā na n ka wa ye, la sōm-zitbā bāmb bal la wēg-n-meng rāmbā}.

[Al bakara 254]

La sugsg ning sēn tabendā:

Yē la sugsg ning b sēn kot Wēnd nengē wā, ti Sugsdā yaa b sēn waoog a soab ne sugsgā, la b sēn sugsg a soabā yaa Wēnd sēn yar a soab koεg la tuumā, sor-kūun poorē; Wēnd yeelame:

{ān soab n na n sugsg A nēngē ti sā n ka tū ne A sor-kūuni}.

[Al Bakara:

255]

Zeng-raoog a tāabē soabā

Ti nabiyaama- puug la tilgr be a yīnga- a puka neb pugē tūudum sēn yaa toor-toore; be b pugē sēn tūud malēk-rāmba, be b pugē me sēn tūud nabiyaam-dāmba la nin-sōmbse; be b pugē me sēn tūud tus la kuga, be b pugē me sēn tūud Wīndgā la kiuugā, la Wēnd tuntuom -puug la tilgr be a yīng- zaba ne b fāa gilli, a ka bāk b pugē ye; yē me daliil la Wēnd koεga:

{zab-y ne-ba hal ti lagm-n-taar ra zīnd ye, ti dīnā fāa yt Wēnd a Ye yīnga}.

[Al-Anfaal:

39]

la wīndgā ne kiuugā daliil me la Wēnd koεgā sēn yeele:

{la be Wēnd tagmas-rāmbā pugē yaa yung la wīndga, la wīntoogā la kiuugā, ra wa tiul-y n kō wīntoogā maa kiuugā ye, la tiul-y n kō-y Wēnd ning sēn naana bāmbā, sā n mikame ti sud yaa Yē la yāmb sēn tūudā}.

[Fusilat:

37]

Malēk-rāmbā daliil yaa Wēnd sēn yelle:

La a ka sagend yāmb t'y rik Malēk-rāmbā ne nabiyaam-dāmbā n maan soben-dāmb ye...

{ Aaya wā

la nabiyaam-dāmbā daliil yaa Wēnd sēn yeele:

{Tēeg wakat nin Wēnd sēn wa n yeel a Yiisa sēn ya a Maryem biigā: Yalla fo n yeel nebā tt b rtk maam ne m ma wā n maan soben-dāmb a yib zēng sēn ka Wēnde? t'a yeele: Ylgermd be ne Foo Wēnde, ka sōmb ne maam tt m na wa yeel būmb ning m sēn ka tar sor ne ye, m sã n yi n yeel-a lame Foo Wēnd miime, Foo Wēnd mii sēn be mam pugē la mam ka mi sēn be Fo pugē ye, sid la Hakuika Foo Wēnd la yel-soaandi minem naaba} Aayarā.

[Aal [mraan:

80]

[Al Maa'ida:

116]

la nin-sōmbsā daliil yaa Wēnd sēn yelle:

{Bamb sēn boond b rāmbā, bāmb me baood sor sēn na n tug b Soab a Wēnd nēngē; ān soab n yud pēem ne Wēnde, b leb n tēeda A yolsgā la b yeesd a namsgā...

{ Aaya wā

la tūsā ne Kugā daliil me la Wēnd koεgā sēn yeele:

{Yāmb yā a Laat la a Uzzaa la rubs a tāabē soab sēn yaa Manaatā}.

[Al [sraa':

57]

[Annagim:

91, 20]

n leb n paas a Abi waakid Allaysi Hadūsā- Wēnd yard be a Yīnga- a yeelame:

Tōnd yi ne Nabiyaamā- Puusg la tigr be a yīnga- n Tug Hunaun tt tōnd yaa sēn na yi zulemē wā paalem, tt Mag-yiib rāmbā tar Mugnug n wūg beenē, la b yagend b zab-teedā a zugu, b boond-a t'a zaatu ānwaat, tt tōnd puug mugnuga a to, tt tōnd yeele:

Yaa foo Wēnd Tuntuumā maan "zaatu ānwaat" n kō tōndo, wala bāmb bamb me sēn tar zaatu ānwaatā.

Hadiisā.

A Limaam Ahmad n togs Hadiisā 21390, ne Turmusu 2180, La A Turmusu yeelame:

Yaa Hadiis sēn yaa sōma n manege, a [bn Abu Aasim me togs-a la a sūnna pugē, A Manaawt me yeelame:

a kibarā sor manegame, A Albaani me togsame t'a manegame Riyaadul-ganna wā pugē nimoro 76

Zeng-raoog a Naasē soabā

tt tōnd zamaanā mag-yiib rāmbā, b yuda reng-taoor-dāmbā ne mag-yiib maanego, tt bala reng-taoor-dāmbā maanda mag-yiibā yol-yol wakato, la b teegd Wēnd a Yen keelmā wakato, la sã n yaa ne tōnd zāmaaanā mag-yiibā-rāmbā b mag-yiibā duumdame yol-yol la keelem wakato; rē me daliil la Wēnd koεg sēn yeele:

{B sã n wa tt zomb koglgā la b sēn boond Wēnde tt b yaa sēn ylg b dīinā ne-A, La wakat ning Wēnd sēn wa n pōsg-b n yiis yngā la b sēn maan mag-yiibu}.

[Al Ānkabuut:

65]

la Wēnd la mita. La Wēnd puusg la A tigr be a Mohāmad la a zak-rāmba la a Soahaabs yīnga.